

Xroon nínxin tsikjin ndo Juan

¹ *Jan an ndotáchrí tituen en sen ni ngo, ikjin xroon ji in tsayé e ndo Gayo, ndo tjua a ixi chuxin chijni nduaxin.

² Kichuuna, tjanča a ndo Dio ixi je e ndo sintančaoan ndo, ko tsingijna ndo kain ixra nche e ko jian tsake e ko íča tsitikaoan ndo Dio.

³ Tsango bake e jan an juaxruxin nchakon kuii kaxin sen kichuuna ko ndachijina sen ixi tsango jian titikáoan chijni nduaxin.

⁴ Jan an tsango chjána juaxruxin ixi kuin an ixi sen tja on xranči chjan na stetitikaon sen chijni nduaxin.

⁵ Kichian, ja a nduaxin jian rinche e ixra ixi tingijna sen kichuuna ko íča tingijna sen ti xin jée tjajna.

⁶ Sen kuingijna ja a tsikeki e sen sen kichuuna, sen xra o ni ngo, xranči nduaxin tjue é sen. Ko jai tinóatáana ngajian ixi tingijna sen kain nge e xrokonde e sen xranči tjaun ndo Dio ti tsa sen cha o.

⁷ Je e sen kuachrje sen ixi xrochronga sen chijnie Ncháina ko je e sen kuayé a sen nge e xrokuaon chujni chúxin a ndo Dio.

⁸ Méxin, jaina xrokonda tsingijnana sen ixi jaña tsingijnana íča tsjako sen chijni nduaxin.

Ndako a juinche e ndo Diótrefes

⁹ Jan an ikjin naa xroon kuayé e sen ni ngo xra o nti a. Ko ndo Diótfrefes titikaon a ndo nge e kuetuan an sen ni ngo ixi je e ndo tjaun ndo je o ndo tsetuan an ndo.

¹⁰ Méxin, nchakon tsjaso jan an nti a tsoñao a ndo sonda jaña nche e ndo ko jincheya ndo. Ko je a je o me e nche e ndo. Kaxon tayé a ndo sen kichuuna tjako chijnie ndo Cristo; ko toñao e ndo sen tjaun tsingijna sen ko tajon a ndo juachaxin tsingijna sen, ko tengixin ndo sen ni ngo.

¹¹ Kichuuna, nche a xranchi nche e chujni nche e nge e ndako a. Cháña nche e ko tjakoa nge e jian. Ixi ngisen nche e ti jian, sen me e chujnie ndo Dio sen. Ko chujni nche e ko tjako nge e ña i, chujni me e chúxin a ndo Dio.

Jian nche e ndo Demetrio

¹² Kain sen ndachro ixi jian nche e ndo Demetrio ko nduaxin me e. Kaxon jan anna ndachrjanna jaña ko ja a no a ixi jan anna ntaya ina.

Juexin nichja ndo Juan

¹³ Chonda itsjé nge e xrontatjua ko jai tjaun a xrokjin a me e

¹⁴ ixi tja on tuinxin tsikon kichuuna ko nchakon me e tsjoína.

¹⁵ Juaxruxin take é. Kain sen chuxian nti i xruan an sen juajna. Tjancha a kaxon ndache ngujngu sen chuxian nti a ixi jan an xruan an sen juajna.

**Chijnie ndo Jesucristo
Popoloca, San Luís Temalacayuca: Chijnie ndo
Jesucristo New Testament**

copyright © 2016 Wycliffe Bible Translators, Inc.

Language: Popoloca, San Luís Temalacayuca

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source files
dated 29 Jan 2022

ee37a138-f1b9-51ef-b60f-e89d6de4d06f